



**KOMUNIKADO DI PRENSA
KORSOU, 5 DI YANUARI 2022**

**INISIO DI EVALUASHON PETISHON KONSESHON
TELEKOMUNIKASHON MOBIL**

WILLEMSTAD – Partidonan interesá por a entregá nan petishon te ku 30 di dezèmber 2021 na Bureau Telecommunicatie en Post den kuadro di otorgamentu di konseshon di telekomunikashon móbil na Kòrsou. Un kantidat di 3 partido a hasi entrega di nan petishon i BT&P ta bai kuminsá pronto ku evaluashon di e petishonnan akí.

Despues di e anulashon entrante 1 di aprel 2021 di e moratorio riba otorgamentu di konseshon (pèmit) pa konstrukshon, mantenshon i eksplotashon di infrastruktura di telekomunikashon na Kòrsou, BT&P a kuminsá ku un prosedura di selekshon pa otorgamentu di konseshon na nòmber di minister di Tráfiko, Transporte i Planifikashon Urbano. Ku esaki ta aspirá un kontribushon optimal na e desaroyo di merkado riba tereno di telekomunikashon móbil, na kua tambe ta stimulá inovashon i konekshon sigur e último téknologia- i standartnan.

E evaluashon di BT&P ta dirigí su mes riba entre otro aspekto tékniko, finansiero, ekonómiko i atministrativo. BT&P su empeño ta pa denter di un periodo di dos pa tres luna terminá su evaluashon tokante esaki i entregá un konseho na Minister di Tráfiko, Transporte i Planifikashon Urbano.

FINAL KOMUNIKADO DI PRENSA

Nota pa Redakshon:

Pa mas informashon tokante di e Komunikado di Prensa aki por tuma kontakto ku Bureau Telecommunicatie en Post na +(599-9) 463-1700.